

52552/P

# DISSERTATIO MEDICA

DE

## SANGUINIS MISSIONE,

QUAM, Deo duce & auspice Dei-Parâ, in  
Augustissimo Ludovicæo Medico Monspeliensi,  
tueri conabitur,

AUCTOR,

LUDOVICUS VILLATTE, urbis Liniarii apud  
Bituricenses, in almâ Biturigum Universitate  
Liberalium Artium Magister, & in celeberrimâ  
Universitate Monspeliensi Medicinæ Alumnus,  
die Januarii 1791.

*Pro Baccalaureatûs gradu consequendo.*



MONSPELII,  
Ex Typis JOSEPHI-FRANCISCI Tournel, Universitatis Medicinæ  
Typographi & Bibliopolæ.  
M. DCC. XCI.





---

AU MEILLEUR DES PÈRES  
ET A LA PLUS TENDRE DES MÈRES ,

CHERS PARENS,

*S'IL fut jamais de sentiment tendre & voluptueux ,  
c'est sans-doute celui que j'éprouve en vous offrant  
ce faible Essai de mes études en Médecine ; veuillez  
bien l'accepter comme un hommage de mon respect  
& un tribut de ma reconnoissance. Que je serois  
heureux s'il vous pouvoit prouver toute ma tendresse ,  
toute ma. . . . Faut-il que l'expression soit si fort  
au - dessous du sentiment , & que je sois réduit au  
silence pour ne pouvoir pas assez vous exprimer tout  
ce que sent le plus affectueux & soumis des fils ,*


LOUIS VILLATTE.



Digitized by the Internet Archive  
in 2018 with funding from  
Wellcome Library

<https://archive.org/details/b3034668x>





# DISSERTATIO MEDICA

*D E*

## S A N G U I N I S M I S S I O N E .

---

**P**ER sanguinis missionem intelligitur hæc operatio chirurgica , quâ sanguis è venâ vel arteriâ detrahitur , ope ferri , sanguifugarum , aut cucurbitularum scarificatarum ; hinc ratione vasorum , in venæ-sectionem quæ idem sonat ac phlebotomiam , & in arteriotomiam distinguitur . Facilitas quâ celebratur falsò innueret illam parvi esse momenti , attamen magnam à Chirurgo dexteritatem expostulat ; & is anatomem apprimè callere debet , ut omnes partes quæ lædi nequeunt absque periculo , ab instrumento vitentur : inter illas partes numerantur tendines , nervi , arteriæ &c. Quibus quidem



sublevandis læsionibus plura dantur auxilia , dummodò præstò administrentur : maximam autem semper à Medico prudentiam expostulat sanguinis missio. In mórbus enim inconsideratè adhibita mortem inferre potest. Quibus verò morbis exclusivè conveniat talis chirurgica operatio determinare arduum. Hoc opus maximi quidem pretii , nec vires , nec dissertationis limites pertractare sinunt. Perpenſis igitur phlebotomiæ effectibus in genere , signa quibus tutò in plethorâ institui possit , exponere mihi animus est.

Quadruplices sunt effectus phlebotomiæ , ergo sub quadruplici respectu institui potest. Etenim vel tanquam evacuatoria , quæ præcipuè locum habet in morbis à nimia quantitate sanguinis pendentibus ; sic in plethorâ. Tanquam revulsiva , quotiès fluxus sanguinis velociori impetu , in organum quodcumque irruentis sit avertendus ; sic in parte remotâ usurpatur. Quatenùs derivatoria , quotiès in parte quâdam adest congestio sanguinis , tunc in parte proximâ instituitur. Quatenùs tandem commotoria , quotiès necessaria videtur syncopes , sic in herniæ reductione commendatur.

Per commotionem intelligimus hanc operationem quâ fertur sanguis versùs hunc aut illum locum , pulsus tenuis , irregularis , intermittens in tempore quo secatur vena , probat commotionem existere. Locum habet præcipuè in saphenæ sectione. Hæc agitatio sanguinis optimè excitatur phlebotomiâ in diversis corporis partibus in eodem tempore institutâ. Ad excitandam verò illam commotionem quâ operari debet revulsio sanguinis qui nimis copiosè verbi gratiâ ad caput fertur , ut in phrenitide , apoplexiâ , certè salutaris esse potest larga sanguinis missio statim adhibita. Altera autem methodus prætermittenda est ; illa consistit in dividendâ phlebotomiâ , interdum super aperturam venæ ponendo digitum hâc ratione sanguine fluente per intervalla , vacuationis tempus prolongatur , & optimè sanguinis commotio & revulsio excitantur. Commotio-

nis effectus aliquandò periculosi fiunt , præsertim apud ægròs , qui numquam phlebotomiam experti fuerunt. Itaque numquam admittenda sit , absque prægressâ signorum anamnæsticorum notione.

De effectibus revulsivis & derivativis jamdiù disputatum fuit , quia eorum utilitas & theoria ritè cognosci & perpendi nequeunt , sub legibus physicis , mechanicis , & hydraulicis ; sed potius solâ scientificâ & strictâ consideratione hominis viventis , & præsertim confirmatâ per phænomena bene nota quæ sese occurrunt , tum in statu physiologico , tum & præcipuè in pathologico. Hâc solâ consideratione hominis sani & morbofi , veteres ritè cognoscebant illos motus humorum existere , & quanti momenti erant in medelâ morborum » ratio , quâ inventa est » revulsio , inquit , (1) est hæc , ut vagos humores , qui per corpus pel-  
 » luntur , & jam cœpere partem aliquam invadere , aliò convertamus ,  
 » præbendo illis aliam vacationis viam. » Hæc sunt conditiones necessariae per quas obtinetur optima revulsio , quæ sic inveniuntur apud (2) illud notum esse puto , inquit , » optimas illas esse revulsiones , quæ  
 » omnes conditiones obtinent , nempe distantiam , rectitudinem venarum ,  
 » communitatem , & ad originem suam fluxiones trahunt ». Ex experimentis autem illustrissimi *Halleri* penitus constat hunc motum revulsivum esse realem. Venam mezentericam ranæ irritans egregius Anatomicus ille , non solum retrogradere sanguinem , sed undequâque ad punctum irritatum præcipitantem vidit. Quæ tamen immutatio in directionibus sanguinis fieri nequit , nisi per statum convulsivum , sympathicum ( *Barthez* ). Quid autem ad experimenta confugimus ? Dum gravissimos

(1) *Leonard* , *Jacchin* in lib. rhaf. c. 39.

(2) *Joh. Argent.* in *Gal.* ott. medic. comment. 3.



capitis dolores solâ saphenæ sectione curari, edocet nos observatio clinica. In arte medicâ quemadmodum in scientiis quæ factis nituntur, ex observatione ab omnibus confessâ dimanant principia, positoque uno principio, ab illo discedere nefas, nostrum concipiendi modum etsi superet. Peccaverunt igitur Medici qui revulsionem recusarunt, eo quod legibus physicis non obsequeretur.

Revulsionis & derivationis theoria fanè consistit in historiâ verâ fluxionum, per fluxionem intelligimus translationem humorum ex unâ parte ad aliam, hic motus non concipi potest absque textu cellulari: textus enim ille cellularis viam præbet faciliorem fluxionibus ex organo ad aliud, in eadem divisione collocatum circumscriptum. Ille dividitur in textum cellularem dextrum, & textum cellularem sinistrum, sicut indicare videntur linea alba abdominis, suttura sagittalis, raphè quæ inter clunes occurrit; hæc probatur observatione in dissertatione enim de homine dextro & sinistro, quæ reperitur in eximio opere D. *Schlegel* cui titulus, thesaurus pathologico therapeuticus &c. Multa data sunt exempla morborum unum tantum latus infestantium. Sicut icterus, paralytis sudor dimidiam corporis partem occupantes. Aliundè hanc divisionem confirmant illustrissimi *Bordeu*, *Fouquet*. Datur adhuc alia divisio peculiaris textûs cellularis, juxta quam quodlibet organum habet suam sphaeram peculiarem; & juxta quam textus cellularis internus communicat cum textu cellulari externo correspondenti, ut patet quotiès os quoddam profundè situm malè afficitur, tunc enim superveniunt in cute superstructa tumor, rubor, calor, dolor, quæ non succederent, nisi intima communicatio proxima adesset inter textum cellularem internum & externum; quâ communicatione cessante, desiderantur prædicta symptomata. *Broussonet* Professor meritissimus. Illius textûs cellularis præcipuæ facultates sunt permeabilitas, & vis tonica: ejus permeabilitas probatur puris congeriebus, quæ ex quibusdam cavitatibus, sicut è pectore transferun-



tur in alias partes. Adhuc probatur abcessibus purulentis qui subito evanescunt , & qui per urinas aut alvum vacuantur. Pariter ejus vis tonica non in dubio revocari potest , quamvis imperceptibilis , illâ enim ablatâ quomodo puris hæ translationes ex interiore parte , ad superiorem explicarentur , motu continuo & insensibili fruitur ille textus cellularis. Hoc factum tribui debet principio vitali , quo omnes corporis partes animantur ut dixit *Hyppocrates omnia viventia in corpore animato.*

Triplicem causam affert fluxionum *Hypp.* refrigerationem nimiam , caliditatis excessum , & repletionem , dum ait , fluxiones & perfrigeratâ validè carne , & percalefactâ fiunt , & supertumefactâ *Prosper Martian.* Sed cum domino *Broussonet* admittimus in quâcumque fluxione , tria præcipua elementa , & quæ constituunt illius causas proximas , scilicet , status partis mandantis , status partis recipientis & relationes peculiare quæ inter illas existere probantur. Status partis mandantis magis idoneus ad determinandas fluxiones , ut spasmus aut repletio , dum in parte recipiente adest debilitas vel irritatio : notandum tamen partem mandantem esse sæpius in statu dumtaxat passivo , dum è contrâ irritatio adest in parte recipiente. Relationes autem quæ frequentiores faciunt fluxiones ex unâ parte ad aliam , derivant ex illarum positione naturali , mediante , ut jam diximus , textu cellulari. Alia est relatio plerumque favens fluxionibus , quæ pendet verbi gratiâ à sympathiis virium principii vitæ , in partibus quæ colligantur in peculiari systemate , nervoso scilicet , sanguineo , lymphatico , membranaceo. In curâ fluxionum semper attendendum est ad partem mandantem , ad partem recipientem , ad naturam humoris ; an sit sanguis , serositas , mucus. Hæc omnes enim species humorum , possunt esse causæ materiales fluxionis. An fluxus sit completus aut non completus. Completus est , quotiès fluit humor per fluxionem & extrinsecus evadit. Incompletus quandò nullum



adeſt effluviū , & tunc fluxio per alia ſigna evidens fit , ut tumore , calore , dolore , &c. hæmorrhoides fluentes aut apertæ , & hæmorrhoides cæcæ aut clauſæ nobis ſuppeditant exempla illarum duarum ſpecierum fluxûs. In priori caſu fluit ſanguis per vaſa hæmorrhoidalia , in poſteriori adeſt tantum tumefactio in ipſiſmet vaſibus. Sed ferè ſemper circa partem mandantem præſertim dirigi debent remedia. In hæmopthiſi apud mulierem è pulmone proveniente , antequàm ulla adhibeantur remedia , examinari debet ſtatus uteri , videlicet num occurrat tumefactus , an inſtet tempus menſtruorum , quæ fluere nequeant ob majorem ejus viſceris reſiſtentiam ; tunc enim evidens eſt cauſam hæmopthiſis jacere in uteri vaſis , quo quidem in caſu remediorum applicatio emollientium ſuper regionem uteri ſublevationem affert. Eâdem modo procedendum in aliis omnibus fluxionibus , tum mucofiſis , tum bilioſis &c. Inter remedia fluxionum ſanguinis miſſio præcipuum tenet locum ; tanquam revulſiva adhiberi debet in primâ periodo fluxionis , id eſt incipiente fluxione ; quia tunc facilius humor avertitur verſus partes remotas ; ſic ſectio ſaphenæ , eſt revulſiva ergà caput. In congeſtione verò factâ inutilis eſſet revulſiva , tunc adhibetur ſanguinis miſſio localis , propè partem affectam , & dicitur derivatoria v. g. ſectio jugularium in affectionibus capitis.

Nunc plethoram conſideremus , & quæ ſint ſigna quibus ſanguinis miſſio tutò in illâ inſtitui poſſit. Plethora vera præcipuum venæ-ſectionis indicans , morbos & ſymptomata maximi momenti ſæpè gignit , inflammationes quippè , hæmorrhagiæ , vigilia , anxietates , oppreſſio pectoris , ſopores , deliria convulſivi motus , proſtratio virium , indè aliquandò originem trahunt , ad quæ mala minuenda & removenda venæ-ſectione ſæpè nullum efficacius datur remedium , ideoque affectiones hujusmodi , ſive febriles , ſive non febriles , ab abundantia ſanguinis ortas , vel ſuſtentatas , ſanguinis miſſione nunc maximè levare nemo dubitabit. Verùm characteres plethoræ in morbis obſcuri ſæpè & difficiles cogniti ſunt ; hinc



magna difficultas ad rectè determinandam venæ-sectionem in morbis : sunt etiam qui nimis timidi in illâ celebrandâ , & qui per omissionem hujus aut retardationem periculum ægrorum adaugent ; hinc nasci possunt , ut vidit *Hoffmannus* , inflammatio ventriculi , phrenitis &c. Apud juveniles sanguine plenos febribus acutis correptos. Sed alii dantur in sanguine detrahendo nimis temerarii , nam ex evacuationibus valdè repetitis & copiosioribus gignuntur effectus tristissimi. Sic illustrissimus *Van-Swieten* vidit mulierem omni denique soluto corporis robore in hydro-pem incidisse , cui ob validissimos & sæpè renatos animi affectus , sexagesies & ultrà anni spatium vena-secta fuerat. Manias & stultitias , à nimiâ sanguinis & in opportunâ missione ortas non rarò *Sydenhamus* observavit.

Hæc autem sunt signa quibus præstantibus cognoscetur hic morbosus status , & quæ tamen fallacia quandòque reperiuntur. Sunt qui suppressionem cujusdam evacuationis tanquam signum plethoræ dant. Sed hoc dubium est , quippè quod hæc evacuatio suppleri possit per aliam , putà transpirationem insensibilem , vultûs rubedinem , venarum intumescen-tiam , totius corporis calorem intensum , pulsum plenum , fortem , mag-num , torporem recensuit ill. *Van-Swieten*. Ast hæc non sufficiunt , calori enim intensus reperitur in morbis quorum congestio bilis in primis viis causa est quod probatur emeticorum purgantiumque successu in illis mor-bis. Plenitudo pulsûs non majori donatur certitudine , cum reperiatur etiam in morbis putridis gastricis. Quandòque observatur parvus , humi-lis pulsus ; hâcque in circumstantiâ si secetur vena , fluente sanguine fit fortior , totiusque corporis vires quæ quasi sopitæ jacebant , pristinum paulò post acquirunt robur. Nihil ominus , hæc omnia symptomata con-juncta in eodem subjecto robusto possunt diagnosim formare. Ad subse-quentia verò nobis per utile confugiendum videtur , quapropter interro-



gandus est æger, num laboribus nimis, num vigiliis immodicis, num veneri indulserit, num jejunium diu pertulerit? qui etenim iis diu laborarunt ad motum inhabiles pulsusque parvum habent. Verum si ex iis nihil expertus fuerit æger, si sit ætate quâ viget plethora, scilicet virili, nullus tunc dubio locus, nullum tunc sanguinis missione præstantius auxilium.

FINIS.



## ARGUMENTABUNTUR

ILLUSTRISSIMI PROFESSORES REGII

D. PAULUS-JOSEPHUS BARTHEZ, *in sacro Consistorio*  
*Consiliarius, Universitatis Cancellarius.*

D. GASPARDUS-JOANNES RENÉ, *Decanus.*

D. ANTONIUS GOUAN, *Pro-Decanus.*

D. FRANCISCUS BROUSSONET.

D. FRANCISCUS VIGAROUS.

D. HENRICUS-LUDOVICUS BRUN.

D. HENRICUS FOUQUET.

D.